



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum die Jovis decimâ nonâ Maii.

M. DCC. XL

M. CAMILLO FALCONET,

Salubris Consilii Regii Socio, & è Regiâ Numismatum
Academiâ, Doctore Medico, Præsîde.

An Variolis cujuscumque generis una medendi methodus?

I.



ARIOLÆ unus sui generis Morbus, ¹ qui universos ætatis cujus-
cumque Mortales fatali quâdam necessitate involvit, ² qui nullâ
aliâ ratione expiari potest quàm ipsius Naturæ molimine, ³ quo
semel expurgata si ritè fuerint corpora, numquam ampliùs infi-
ciuntur: Morbus adeo, triplici hac notâ insignitus, nulli aliorum
morborum classi annumerandus. ⁴ Cæteri morbi, nonnisi in certas
quasdam ætates grassantur, omnes etiam intactas aliquando relinquunt: vixe-
runt homines innumeri Podagrâ, Nephritidis, Erysipelatis, &c. per totam vitam
immunes; quippe causas eorum nec ab origine traxerunt nec aliunde suscepe-
runt: at *Variolarum* causa, cùm Embryoni semper innascatur, nulli ætati parci-
(centesimo quoque vix excepto) ocyùs seriùve se promens, graviùsque sæviens
aut molliùs, prout fortior est aut debilior, adjutrices causas nacta magis minùsve

A

opportuna, ita ut si hæ deficiant omnino, illa ob inertiam sepulta videatur, oblato tamen incitamento subito emicatura: quod apud integras Centes quasdam etiamnum videtur. Deinde morbis omnibus Natura varias rationes solvendis invenit, licet solitas ut plurimum vias suas affectet: quàm diversis Crisibus, Metastasisibus in eodem morbo sese expediat quotidie observatur, tum etiam, si quid ei desit, Arte nostra suppleri posse: at *Variolis* unus est exitus per Pustulas; eas, fateor, à sanguine præter modum incitato, nimium luxuriantes sæpius quàm à miasmato copiâ, resistere quidem forsitan in manu est prudenter medentis, non itidem verò omnino suppressere vel quovis pacto avertere, quicquid hac de Prophylaxi, primarii etiam inter Medicos senserint. Præterea multi sunt morbi, unde vel Catharsi spontaneâ, vel medicamentis validioribus, corpora ante causaria firmiora redduntur: sic Favi, Scabies, Achores similiaque id beneficium Infantibus præstant, ut inde securitatem totius vitæ illi consequantur: at *Variolæ* impura purave corpora nullo habent discrimine: vidimus ægrotantem Thermis ita elutum ut nunquam mundior fuisset, mox *Variolis* prehendi, atque interire: vidimus pariter à Ptyalismo profusissimo persanatos imò renovatos, in quibus extinctâ Lue Venereâ *Variola*, eæque nihilo benigniores exardescabant: quin à Peste, quæ morbos omnes, ut ita dicam, absorbet, revalescentes *Variolas* non effugiant paulò post erumpere interdum vias, nisi inter eam eruperint. Tandem ita comparatum est, ut plerorumque morborum repetitis ictibus ad mortem usque vivamus obnoxii, sive ex innatâ Diathesi, sive ex Causis Procatartëicis eadè ratione denuò agentibus: Hæreditariis præsertim morbis, quorum causa sicut *Variolarum* nobis ingeneratur, solenne est per totam vitam recurrere: solæ sunt *Variolæ*, quibus humana corpora, si ritè lustrata fuerint, depresso semel vectigali, nunquam ampliùs infestantur: quippe, Causa innata ubi exhausta fuerit, nullæ aliæ, ne contagis quidem, novi quicquam movere possunt. Cæterùm de *Morbillis* idem est prorsus atque de *Variolis*: quocirca id maximè notandum, utrumque licet ejusdem prosapiæ morbum, ut ad reliquos sic ad invicem se habere; neutrum enim alterius noxam præstitisse unquam visum est.

I I.

VARIOLAS Morbum ingentum esse adeoque omnibus communem, nec tamen ab omni ævo extitisse, pugnare secum videretur. Ex Græcorum siquidem & Romanorum silentio, quibus indictus fuit, nihil planè arguas; quandoquidem eorum ætate cum Epidemicis morbis confusus, Exanthematum nomine, Ecthymatum, ολκισμὸν &c. Luis tunc grassantis symptoma censeri potuit. Ita nec sanè temere suspicanti multa, dum attentius legat, occurrunt in Epidemiis Hippocratis, quæ ad hunc Morbum non invita se referant, multa pariter in Galeno, Aetio, &c. Enimvero ut Pests alios in se morbos convertebat, teste Thucydide, sic & *Variolas* Popularis Lues. Sola autem illa *Variolarum* internam, qualis erat tunc temporis, Causam sedibus suis emovere poterat, alioquin non proditura. Illandis hodie ex aëris peculiari Diathesi *Variolæ* vigesimo quoque anno duntaxat recurrunt, alio quovis tempore silentes. Groenlandi, Feroenses numquam eo Morbo tentantur, nisi ad se per contagem delato. Sic Americani ejus immunes fuerant ante Nigritiam apud eos *Variolis* laborantem: apud omnes quippe earum Causa innata debilior est quàm ut prodire queat sine contagis miasmato multo potentiorum auxilio. Affirmate itaque minime decet *Variolas* tanquam morbum novum emicasse, ætate quâvis licet remotissimâ, eo quòd Sporadicæ multo magis Endemiæ Antiquis incognitæ fuerint. Omnes verò qualescunque sint quam causam à nostris pri-

mordiis habeant adhuc latuit. Sanguis Menstruus priscis Medicis acceptus hodie explosus, nos tamen in vicina loca deducit, ubi quid conjecturâ non improbabili assequi liceat. Vestigia nempe relegamus ad prima usque humanæ gentis incunabula, Ovarium fœmininum dico: ibi conceptionem fieri, Fœtus in ipso ovo Ovario suo adhuc hærente isque non semel repertus luculenter demonstrat: liquorem autem, quo scatet Ovarium, nescio quid fraxidi olere ac nauseosi, qualis est corporis *Variolosi* diapnoe, Anatomici norunt: inde verò in Embryonis corpusculum Miasma *Variolosum* transfundi, primisque ejus staminibus imbibitum à liquore lacteo, qui subsequens in Utero alimentum est, non tam elui quàm obduci argue penitus insigi vero simile est ut aliud quicquam. Profectò hoc ipsum esse Miasma ex Ovariis turgentibus refluxum, non Plethoram solam, unde Menstrua cieantur fidem facit gravissimus odor ille, quem nonnullæ mulieres per id tempus exhalant, quemque *Variolis* simile redolentibus extingui proflus delerique constat, observationibus ut certissimis, ità ad confirmandam nostram opinionem maximè idoneis. Jam ab ovo *Variolarum* seminarium in universam progeniem derivari faciliè concipitur. Porro Gens exstat cui *Variolæ* sunt Endemiæ procul dubio quod apud eam cùm insitit Causa, tum aliarum quibus illa moveatur vis multo sit potentior: Nigritæ sunt quarum mulieres omnium in Orbe terrarum salacissimæ audiunt. A Nigritis per affinitates, contagæ etiam simplici, Æthiopes hisque confines Ægyptii luis jam *αποσταχθους* (Latine si liceret *præexistens*) incrementum susceperunt, quod Arabes postremò quaquaversus diffuderunt. Primus tamen qui *Variolas* memoraverit, fuit ineunte septimo sæculo Presbyter Christianus Aaron Ægyptius in Pandectis suis Græce vel Syriace scriptis, annis circiter quinquaginta post à Medico Iudæo Arabice versis. Ducentis abhinc fermè annis Serapion tum deinde Rasis, Avicenna & Alfaharavius (cæteros omitto) tres ultimi præsertim, *Variolarum* diagnosin tradiderunt eà accurate quæ nihil forsitan etiam peritioribus addendum hodie reliquerit.

I I I.

DIFFERRE, pro symptomatum ejusdem morbi diversitate, Medicinæ genera haud minùs certum est, quàm pro ipsorum naturâ morborum, *Variola* Morbus unus sui generis tam multiformis est in variis suis speciebus, quàm in diversis ejusdem speciei periodis. Inter species verò maximè conspicuæ *Discreta* & *Confluentes*, utraq; rursus *Benigna* vel *Maligna* pro Miasmatis indole, Crasi ipsius aëris, aëris Diathesi. Horum trium ad instar se habent symptomata Morbi ingruentis non solum prænuntia, sed etiam speciei quæ futura est. Apparatus Morbi formidolosus plerumque, aliquoties in *Malignis* lenitate insidiosus: Lumborum dolor, graviora solito membra, totius corporis jactatio, Græcis *ἀλυσίς*, Barbaris Arabum Interpretibus *multitudo alicum & saltuum*, Caput grave vel dolens, ad somnum propensio, terror ex fommo, Mentis aberrationes, Phrenitis etiam, Facies rubens, Oculi micantes vel lacrymis natantes, prurientes Nares ac stillantes sanguine sapius, vox clangodes vel obtusior, difficilior spiritus, angor, Cardilogmus, vomitiones vomendique ampliùs cupiditas, Alvus cum colico dolore fluens; non omnia in omnibus, sed in singulis aliqua: præ cæteris autem virosus nescio quis totius corporis halitus atque punctiones per universam cutem *Variolas* in procinctu denuntiant; præsertim si illà tempestate grassentur: tunc etiam in Infantibus dentitione jam defunctis assultus Epileptici raro sefellisseprehenduntur. Horum omnium symptomatum Febris comes est

individua, morem suum indidem trahens. In *Discretis Benignis*; qualis Puerperarum est Lactea, (*balneusam* fermè dixerim) talis esse videtur, ex qua cutis perpetuò madeat nonnumquam etiam sudore nimio disfluat; aliàs in iisdem haud ita *Benignis* vel acrius ardens cum cutis ariditate, vel mitius in speciem tacito igne deflagrans. Concidit autem illa vel saltem remittit cum cætera symptomatum cohorte, ex quo puncticula è profundo cutis emergunt, proutque in Pustulas orbiculatas, subrubras, singulatas erumpentes (quæ melioris sunt notæ) adolefcunt; quod quarto die ab ingressu morbi solet fieri, præstaturque ferius quàm ocylus, ut & in artubus erumpere quàm in trunco: unde sunt qui ex variolosis Pedum plantis Excretionem absolutam, nec unquam reducturam hæriolentur; cùm è contrario mali moris *Variola* Dorsum ac Ventrem sicut *Petecheia* præsertim infestent. Tertio autem die etiam secundo apparent *Confluentes*, quæ, si malignitas absit, à *Discretis Benignis* non discrepant, nisi majori copiâ miasmatum, vel potiùs æstu à calidioribus intempestivè, ut ferè fit, adhibitis incitatori, unde motu inæquali impetuoso ac præpropere Pustulæ acervatim, inter se coherentes, ac sibi invicem accumulate erumpunt; quas, cùm integræ Miasmatum expirationi spatium iniquius præbeant, Ptyalismus velut earum succedaneus semper comitatur, insidior plerumque salutis vindex quàm Alvus in Infantibus ejus loco fluens. De cætero *Confluentes* omnes deterioris naturæ ut & *Discretæ* maculis colore alieno, *Petechiis*, &c., interfitæ tot formas pravas induunt, quot sunt *Febres Malignæ*, quarum indolem *Variolosa* suscipit. Cacoetheias verò illius duo præcipuè sunt effecta, sanguis fusior vel adstrictior; unde tot symptomata dissimilia, quæ dissimilem Medicinam exposcunt. Jam disparitas non minoris momenti in iisdem *Variolis*, quæ tribus periodis continentur, Secretionis, Excretionis, Suppurationis, quibus singulis sua sunt pericula, sua etiam præsidia. Adde tandem præter Febres mali moris, quæ in Epidemicis Luibus sese *Variolis* adjungunt, morbos omnigenos jam antea ægris insidentes, Scorbutum, Luem Venericam, Arthritin, &c. quibuscùm *Variola* mutuam in ægrotantis perniciem sibi tradunt operam.

I V.

MORBUS tot aliis implicitus indeque tantopere formidandus, ubi simplex tamen, in Puerili ætate sanâ, verno tempore, ære clementi adeo non periculosus est, ut sponte ad sanitatem veniat, Naturâ totum opus sibi vindicante. At aliâ ætate, alio habitu, aliis temporibus non perinde ea sui juris est, atque auxiliares manus exposcit à Morbi principio etiam non rarò ultra finem. Ac primùm ingruunt variæ procellæ, ex quo Miasmata suis latibulis derepta sanguinem cui committuntur insciunt, & quaquaversus circumlata fibras quibus illiduntur vellicant, donec per Secretionem ad Habitum corporis expungunt. Quantum in hoc rerum articulo Venæ Sectio profit, ut & cæteris secretionibus promovendis, notius est quàm ut hic disceptetur. Tunc fere nulli dubitarunt sanguinem mittere; iterum etiam atque iterum tam ex Brachio quàm ex Saphenâ, si Caput impeti videatur, peritiores nequaquam reformidarunt; cum observassent hæmorrhagias, Menstrua, Lochia, bonis ægrotantium rebus, assaium eo tempore prodire. Avicenna, sanguinis de Cerebro derivandî gratiâ, Narium venam secabat, non abs re forsan; furentibus Mediam in fronte Antiqui pertundebant, in cujus vicem Jugularis hodie recepta est: aliterutra forsan sæpius quàm fit secanda, ut sanguis càm ex Cerebro tum ex facie, quò videtur ferri, expeditius remeet. Sanguinem demùm, undè mittatur, in Plethorico maximè refert mitti. Verùm si aliunde urget Cacoehymia, huic

pariter, quamprimum potest, occurrere debet: scilicet depleto sanguine è vestigio purgandum, ne tantis turbis commoti pravi humores in sanguinem confluentes, aut *Variolesi* Miasmatis veluti compedes injiciant, aut uberius cum eis ad cutem appellentes in omnigenas Pustulas effundantur, aut, quod deterrius omnium est, ne utraque promiscue internis Viscerum Glandulis vel Membris, unde nullus exitus, obhareant, ibique ante defigantur quam reliquum ad cutem perveniat: (*Incessus Dimidiatus*, si fas est ita loqui, hoc in casu potius vocandus quam *Retrocessus*). Porro Catharticis ceteris hoc in casu jure Stibiata anteferuntur, eaque multiplici nomine; minimum siquidem sanguini fervorem inferunt, tum vomitione, præter ejus proxima beneficia, ita quassatur fibratus omnis contextus, ut è Glandulis lentiores succi validius exprimantur, addito etiam sine vomitu stimulo; denique vis nescio quæ Stibii, ut ita dicam, radians excretionique favens ad Habitum usque corporis pertingit; quod in morbis omnibus cutaneis attendenti deprehenditur: Scorbuto tamen injectâ suscipione Ipecacuanham interdum malunt, qui vim radices hujus compertam habent. Cæterum victu tenui; potu dilutiori frequente, aëre temperato, plerique agrotantes juvantur. Acidis etiam ac frigidis fervorem nimium, ut pertinaces vigilias ex Papavere paratis compescero Medici non vulgares aggrediuntur; quod ultimum curiosus circumspectendum. Alii omnino sunt agri vel imbecilliore corpore vel prægressa ætatis calore immodico nimio labore ita exhausti, ut refocillantibus præ ceteris præditi egeant: his *Cardiacis* quorum aliàs intempestivè toties usus est, locus conceditur. Jam Excretionem alterâ periodo succedente, si omnia conquiescant pariter & Medicus conquiescet. At nimium sæpè febris aliaque symptomata fœvere pergunt, ut solet in *Confluentibus*; non satis adhuc expedito corpore vel ex prava ipsius Morbindole, quæ pustulis à genuino statu descendentibus declaratur. Tunc eruptione non deterri sanguinem rursus, undecunque oporteat, mittere audent qui in his Morbis quotidie versantur; nec à Stibiatis interea desistunt, ut sanguinem mole heterogeneorum quâ onustus vix incedit, levent, captato inter graviora tempora intervallo. Est ubi post Saphenam pluries sectam à Mochlico etiam repetito humores, quibus Cerebrum opprimunt, excuti nequiverunt; pulsus inde ac vires languent, torperque æger magis quam uritur, liquidis omnibus ad coagulationem pronis. Huic statui si quicquam opitulatur, Epispasticum sanè est: Cantharidum salibus in sanguinem transfusus genus nervosum intenditur, fibræ stimulata tonum dejectum recuperant, atque segnis lentisque humoribus dimovendis tum eliquandis habiles fiunt. Cætera à Miasmatur feritate vel aliunde suborta hic prætereo haud multò post memoranda. Suppuratio tandem advenit circa octavam diem more legitimo: Febris verè Phlegmonodes accenditur, alia proorsus à priori quæ ab Eruptione quieverat; interea tumet statim facies, manus & pedes deinde; Pustulæ leves quæ fuerant antea, jam asperiores fastigiari ac flavescere incipiunt, basi rosacei coloris circumdata; tum ubi febris remisit, undecimo circiter die quo pus confectum est, intra decimum quartum in crustas dilapsuræ; exhalatis prius Miasmatis, quæ laxatis à Suppuratione fibris, quibus depacta eam moverant, tunc eximuntur pure obvoluta: neque enim ipsa coqui, subigi, ullove pacto alterari, magis quam spinæ catini infixam, existimandum est. Pauca in hoc curriculo incidunt, si victus opportunus fuerit, quæ Medicum desiderent: linctus Gutturi exulcerato, linitus verò unguinosus pustulis maturis jam prurientibus sufficiunt. Hæc est in *Variosis Benignis* Morbi clausula, multò secius in *Malignis* novorum malorum exordium, imò priorum continuatio magis ac magis ingravescentium.

Exleges *Variola* genuinarum periodos non norunt: ut Excretio ante tempus sic Suppuratio (si ita dicenda est) præmatura, ut videas jam in sanien Pustulas abeuntes, dum aliæ vix efflorescunt; omnes sub alienorum Ecthymatum larvâ, Crystallinae quasi Phlyctænæ ex ambustis sero acri turgidæ, depressiores aliæ colore pallidiori vel fusco, alternis emergentes aut evanidæ, languinolentæ, verrucosæ, verrucosæ, pessimæ omnium nigricantes ac velut gangrænâ tactæ. Interea loci febris, quæ breves aut nullas ab ingressu Morbi dedit inducias, undecimum diem, quo legitima Suppuratio circumscribitur, transgressa novo furore redardescit, *Secundaria* vulgò, putrida, si ulla nunquam, vocitanda: quæ tamen à frigore suscepto tantum orta, vel errore non gravi antea admissio utcumque ferri potest & emendari: at ex Miasmatum *Variolosorum* sive morborum conjunctorum malâ indole, omnium quotquot sunt malorum effertissimum est. Etenim cum squalida à deurente sanie cutis ac retorrida, aut ex viscidis crudisve impactis occallescent omni exhalationis viam præcludat foribus huc jam rejectis aliisque adventantibus, omnes necesse est à sanguine resorberi, eo gravius nocituras, quocunque delatæ fuerint, quò Miasmatum *Variolosorum* unâ resfluum spiculis magis exacuuntur. His aculeis elater vasorum velut æstro percitus sanguinem ingeminatis verberibus ita arterit, ut compages ejus omnino resolvatur, principia dissolventur, salia alkalescant & ad putredinem post Phlogosin vergant omnia. Dum hæc mortem appropinquat, æger immensum jactatus deliriat, furit insomnis, Spasms torquetur, æstuante Pectore Faucibus arentibus anhelat, ac sanguis liquatus, quoquoque versùs irruat, exitum sibi facit: tunc Alvus torminosa ac languinolenta, lotium cruentum quo nihil funestius est, hæmorrhagiæ etiam aliunde erumpentes fatum instans denunciant. Sic dissilatur, ut ita dicam, Vitalitas, quæ in statu contrario ab eadem tamen Prophasi suffocatur. Si enim crassiora sint, quæ in sanguinem remigrant, simul & fibrarum tonus antea distentior restitui nequeat, inanem Cordis licet frequentiore conatum sanguis spissior eludit, in majoribus vasis tumultuatur, dum intra minora pigrescit, recrementis omni fermè secretionis prohibitis magis ac magis gravelescent. Cerebrum inde, fons motus ac sensus, ipsum iners: jacet veternosus æger undique oppressus, Pryalismo in *Constituentibus* subsistente, Faciei tumore in *Discretis* collapsio, ac Pustulis in utrisque subsidentibus; dum ægrè fuit lotium, nec Alvi dejectiones pensandis tot deficientibus pares sunt. Jam si quæ sunt descriptos inter status communia præsidia, sunt alia sanè cujusque tantum propria, Utrique certè Venæ Sectio convenit, illi quòd rarefscens sanguis impenitus & exundans suis sinibus contineri nequeat, huic autem quod ex penetralibus ubi aggeritur in cæteras partes eum revocari sit opus, non tam exhaustis viribus quàm oppressis. At Catharticorum haud paulò dispar est ratio. In priori statu à Purgantium causticâ vi summopere metuendum; hanc verò Acidis si infringas, Stribum ipsum ex Tamarindorum decocto vel Citreo Potu tutius ac commodius cæteris etiam lenioribus exhibeas. Hic est profectò iisdem Acidis quoquomodo locus, sive largo ac dilutiore potu sive Apozematis refrigerantibus miscantur, ex Plantis, Mali Granati, Limonium, Berberis succus &c. ex Mineralibus, Nitrum, Spiritus Vitrioli & Sulfuris; omnia quippe sunt Antiphlogistica pariter & Antileptica, in quibus spei quod supersit reponendum. Opio vero sedare turbulentos adeò motus non conceditur, nisi quibus solitum est summâ cautione usurpari. In postremo statu, quod ad hæc ultima, multò aliter res se habet; valentiora audaciùs adhibentur Cathartica, inter quæ Stri-

biata usque palmaria sunt, at mera utiliùs; quò per vomitum universum corpus concutitur ac deinde per Alvum crassamenta deturbentur aliis omnibus incerniculis imparia. Quantum verò prosint, purulentæ dejectiones ipsæ testantur. Sed cum aliunde fibrarum tonus instaurandus sit ac liquoribus calcar subdendum, nihil Epispasticis succurrit præstantius, quorum agendi ratio modò exposita fuit; hac observatione nunc additâ, quoties attritos ut par est ab hoc præsidio liquores existimaveris, toties iteratâ catharsi educendos; quandoquidem in sero ex ulcusculis exsudante non tantum opis est quantum vulgò putatur. Tandem Calidioribus etiam tunc indulgeri potest, si per Febrem liceat, habito tamen eo delectu, ut quæcunque motu rapidiore tenuiores sanguini partes auferunt, omnino repudientur. Contrariis sic curandi qui ab eodem Morbo tam diversè agrotant; inter quos, diutius tractos assiduâ curatione tandem expediri interdum evenit: at sanare omnes in Medico non est, ubi nempe Morbus Medicinam præoccupaverit, sic loquitur Divinus Senex: sunt scilicet, quibus vel inter Secretionem tetrâ humorum cum Miasmatis colluvie Viscera, Pulmo, Cerebrum obsita fuerunt, immedicabili telo perituri. Felices ergò qui laceri Oris fœditate ac macie quantâvis vitam redimunt, nec insuper Claudicatione, Anchylosibus, aliove artuum vitio, Surditate, Cæcitate Theriomatis etiam & Tabæ immeriti plectuntur. Tanta totque *Variolis* mali moris succrescunt, ac miseros superstites lentâ morte conficiunt.

V.

MALO tam multiformi, tam diversorum symptomatum feraci nihil mirum tot remedia inventa fuisse, ut nulli curando ex Therapeutices armamentario plura deprompta fuerint: sed in tantâ curationis varietate summo pere mirari subit plurimos eorum qui celebritate nominis aliquâ inclaruerunt uni ferme in omnigenis *Variolis* remedio fidisse. Horum agmen ducunt qui uno quodam Prophylactico *Variolas* averti posse persuasere. Jam dudum hac mente a Alsâharavius Syrupum solo nomine *Alyandaci* notum memoraverat, ejus efficaciæ ut novem Pustulis tantum eruptis decimam interciperet. b Agyrta fuit sæculo præterito, multo plus *Essentia Benedicæ* Valoris suæ vindicans, quâ Pustulæ jam apparentes etiam deleterentur, ne ullo quidem vestigio morbi relicto. Pervagata sunt deinde ejusdem commatis Alexeteria *Opiata Antivariolacea* Medici Vagret, qui nostras esse creditur; Pulvis dictus *Le Ramoneur*, à milite quodam Monck venditatus; Pulvis alter qui ineunte sæculo Parisiis probatus minimè respondit, &c. His utcunque fidem præbuit summus vir c Boerhaave, ejusmodi Remedium ex Stibio & Mercurio paratum commendans, quem forsan in hanc opinionem d Glauberus perduxerat, dum suam Antimoniale Panaceam in *Variolis* præcavendis potentissimam jactavit; Alijs ut Francisco Bouchard, Sigismundo Grassio, nuperrimè Anglo Lobb, Mercurialia prædicantibus: quæ omnia hætenus fuerunt tantum in votis. Verum enim verò meliùs Consulti non aliam Prophylaxin agnoscunt, quam rectam ab initio curationem institutam, unde tot atrocibus in Morbi decursu superveniendis occurratur: rectæ autem curationis cardinem potissimum verti in Sanguinis Missione, vomitu & Catharticis existimant. Neglectis his prædiis eximius aliàs Medicus Sydenham, Opio iterum atque iterum ingesto, cujus usum Theodorus de Mayerne in hanc curationem jam invexerat, tanquam sacrâ ancorâ nixum se credidit, timidior in sanguine mittendo post Eruptionem, ut per Febrem *Secundariam* in purgando parcior. Alii in horum alterutro præsidiorum nimii, alteri tantum se addixerunt. Hinc Germano Loe-

a Traçat. 37.
sect. 1. c. 10.

b V. Thier-
mair. Schol.
ad Consult.
L. 1. c. 7.

c Aphorism.
§. 1390, 1392,
1393, & 1403.
d Pharmac.
Spagir. p. 1.
Append. Ge-
nera. Centur.
2. §. 100.

ber sanguis nunquam satis missus videtur; Anglus ex remedio ad Hydropem neuroperrimè notus quotididè vel alternis diebus quavis in periodo venam secari jubet: è contrario Lobb jam memoratus tantam cautionem adhibet, ut ferè numquam secandi occasio obtingat. Illinc verò Germanus Gundelsheimer, qui nostri Turnesfortii peregrinantis comes fuit, solebat Stibium vel solum vel cum Manna altero quoque die per totum Morbum exhibere, eo successu, ut sanato hac methodo Principe Brandeburgico, Archiater Electoris factus fuerit; quæ forsàn ratio, si optio daretur inter ejusmodi cæteras, minùs repudianda foret: at Henricus Meibomius Catharticum ita reformidabat, ut nequidem Clyisma infundi sineret. Non incelebris Anglus Woodward omnibus satis se providisse arbitrabatur solo Amygdalarum dulcium oleo. Germani ferè omnes, Stahllo duce, toti sunt in Nitratis & Testaceis absorbentibus. Quin Gentibus sua sunt Alexeteria; Delfinatis Anthora, Petroselinum Helvetiis, nonnullis Germanis Cascarella, &c. quibus confisi, cæteris faciliè carere se putant. Verùm inter omnes Medicus Anglus Morton, eò magis in hoc negotio cavendus quò in aliis commendatiorem se præsticit, nihil aliud crepat quàm Diaphoretica, *Volatilia*, Alexipharmaca, sola, quæ spiritibus, ut opinatur, cum Veneno *Varioloso* luctantibus ac lapsabundis auxiliari queant, alioquin Sanguinis Missione & vomitione corruiuntur; tum Epispastica aliis atque aliis corporis partibus omni in statu promiscuè admovent, ac tandem Corrice Peruviano Veneni *Variolosi* reliquias expugnare contendit; cùm hæc Miasmata indomita, nullà coctione subigenda, solà evacuatione exterminari possint. Jam verò paulò cordatior Medicus modò in hac palæstrâ exercitatus sit, in tantâ dissensione, ab omnibus mutuans quicquid in præsens utile censuerit, nullius planè auctoritati se mancipabit, atque propriis Observationibus fultus, alieno ex jecore non ex suo sapere turpe sibi ducet. Sed quantò foret ei turpius muliercularum & Idiotarum arbitrio ita se permittere, ut, si quid contra præjudicatas opiniones agendum sit, ægro summum in periculum adducto, nihil tamen audeat. Tunc sanè qui salutem ægri auræ populari anteposit, in omnem partem se versans nihil non tentat, ac semel deliberata intrepidè celeriterque exsequitur, gnarus hoc in Morbo maturis auxiliis, etiam cum quadam temeritate, ubi fatum instat, rapienda esse.

Ergò in Variolis cujuscunque generis non una medendi Methodus.

DOMINI DOCTORES DISPUTATURI.

M. Ludovicus-Petrus Le Hoc,
Consiliarius Medicus Regis
ordinarius in ejus Castellæto.

M. Joannes-Baptiste Eoyer
Regis Consiliarius & in
senatu Parisiensi Medicus
ordinarius.

M. Claudius Brunet, Rer. her-
baria Professor,

M. Antonius-Nicolaus Gue-
neul,

M. Bernardus De Jussieu,
Regiæ Scientiarum Acade-
miæ, Regiæque Societatis
Londinensis socius, & in
Horti Regio Botanices Pro-
demonstrator.

M. Ludovicus De Sautcuil,

M. Paulus-Jacobus Malouin
Scholarum Professor.

M. Franciscus Mery, Chi-
rurgus Gallico Idioma
Professor.

M. Emmanuel-Mauritius Du
Verney.

Proponebat Parisiis, BENJAMIN-LUDOVICUS LUCAS,
Laudunensis, Baccalaureus Medicus, A. R. S. H. 1740.
à sextâ ad meridiem.